

СУДЪ АР(О)С(ЛА)В(А) КН(А)ЗА.

Оуставъ ѡ всацихъ пошлинахъ и ѡ оуроцѣхъ.

Нища не помиловати ꙗко мѣсть; тѣмъ подобаетъ судьяемъ слушати, ꙗко имеетъ безъ суда и безъ мукъ. Всакъ праведныйи судъ ч(е)л(о)в(ѣ)къ не воскорѣ тако всако приими да не осудиши неповиннаго, не оубиеша; мука ч(е)л(о)в(ѣ)ку да приимеша дара, ꙗко поразити. Аѣко аще со страхомъ б(о)ж(и)имъ судите, скоро оуразумѣете оклеветающаго на ближнаго; клеветы такоже створите ѣму, ꙗкоже онъ лукастова на ближнаго своего. Писано бо естъ: проливае бо кровь ч(е)л(о)в(ѣ)цку, за кровь онога да прольется кровь; ꙗще испытаите оубо съ мною истинною виноватаго, но понеже оклеветающаго, како естъ житье его. И аще бо бл(а)госвѣтенъ и бл(а)говѣренъ обращетъ, инои тако поимете ѣму вѣры. Безаконно бо естъ тако свѣдѣтельство, но да имаетъ инѣхъ свѣдѣтеля бо пострамныйи единого и нравны; да предъ двѣма или трети свѣдѣтели праведныйи станеть всакъ г(лаго)ль.

Реч(е)но бо естъ: да не примеша послушства лжа; едино садеша съ многыи оуклонити правду. Подобаетъ судимаго испытати, како естъ житье его и нравъ свѣдѣтельствуемъ житье ѣго. Аще не виноватъ, долго не держи гнѣва; или праведенъ, или страннолюбечъ, и нищелюбецъ, и чѣломудръ, и ч(и)стъ ѡ лжа и кроми всеа лукавныа вещи; мужъ собору) неискусимъ и неключимъ къ б(о)гу. Реч(е) бо Соломонъ: послушайте, внушите вси судашии земли, ꙗко ѡ б(о)га дастъса вамъ власть и сила ѡ вышнаго. И пакы: о горе оправдающему неч(е)стиваго мзды ради, а ѡ праваго правду ѡемлющему; давы бо вамъ власть

б(о)гъ истажетъ скоро ваши дѣла и помысли испытаетъ. Аѣко бо служители есте ц(а)рствиа, ти не судисте право, ни схранисте закона, ни в повелѣныи его прибысте; страшно оубо и скоро придетъ на вы испытанье. Аѣко судъ нем(и)л(о)ст(и)въ на об(ла)годающаго бѣваетъ, ибо меншеи достоини суть м(и)л(о)сти, силнии же силнии и испытани будутъ.

И г(о)с(под)ь р(е)че: ему же мало дастъса, и мало стажють ѡ него, а ему же много и много стажють ѡ него. Тѣм же съ многымъ долготерпѣньемъ оуловивше правду, створите истину: овии же ѡ ч(е)л(о)в(ѣ)къ за неразумье добрѣ истинныи прелщаетъса, ови же хитростью прилщаютъса, друзии же злат(о)люба рад(и) корчѣмствують.

[П]РАВДА РУСКАА.

1. Оже оубьеть мужа, то местити брату брата, любо о(т)чю, любо с(ы)ноу, любо брату чада, любо братню с(ы)н(о)ви; оже ли не будетъ хто

его места, то положи за голову 80 гривенъ, ачи будетъ ли мужъ кн(а)жъ или тиоуна кн(а)жа; ачи будетъ горожанинъ, либо гринъ, либо купечъ, либо тиоунъ боарескъ, либо мечникъ, изгой, либо словѣнинъ, то 40 грив(е)нъ положи зань.

2. [П]о Ярославѣ же пакы совокупишас(а) с(ы)н(о)вѣ его: изаславъ, С(ва)тославъ, Всеволодъ и мужи ихъ: косначко, Перенигъ, Никифорї и ѿложиша оубьенъе за голову, кунами са въкупать, а ино все, аекоже Ярославъ судиль, тако и с(ы)н(о)ви его оуставиша.

О оубоиствѣ.

3. Аще оубьеть кн(а)жа мужа в розбои, а боевника не ищють, то вервную платити въ которой верви голова лежитъ, то 80 гривенъ; пакы ли одинъ, 40 гривенъ.

4. Которае ли вервь начнетъ платити дѣкую вѣру, колико лѣтъ за то платать вину, за нюже без головника имъ платити; будет ли головникъ ихъ

въ верви, того зане к нимъ прикладывають, того дѣла помогати имъ головнику, ли в дикую вину; но сплатити имъ во опчи 40 гр(и)в(е)нъ; головницъство, а то самому головнику; а в сороци гривенъ заплатити ему из дружини свою часть; оже будетъ оубиль или въ свадѣ или в пиру аевленъ, то тако ему платити по вервины, иже са прикладываетъ вирую.

Уже станет(ъ) за розбои.

5. Будет ли сталь на разбои безъ всакоае свады, за разбоиника людъе не платать, но выдать всего с жоною и з дѣтми на потокъ и на разграбленъе.

6. Аже кто не вложи в дикую вину и виру, тому людъе не помогаютъ, но самъ платитъ.

7. А се покони вирнии были по Ярославѣ: вирнику взати 7 вѣдеръ солоду на недѣлю, оже овенъ, либо полоть, либо двѣ ногати; а въ сред(у) куна, оже сыръ, а в пат(ницу) тоже; а куровъ по двоае ему на д(е)нъ; а хлѣбовъ 7 на недѣлю; а пшона 7 оубороковъ, а гороху 7 оубор(о)к(о)въ; а соли 7 голваженъ; то то вѣрнику со отрокомъ; а кони 4, конемъ на воротъ всути овесъ; вѣрнику 8 гривенъ, а 10 кунъ прикладанае, а метелнику 12 вѣкши, а ссаднае гривна.

У вирах(ъ).

8. Иже будетъ вира въ 80 гр(и)в(е)нъ, то вѣрнику 16 грив(е)нъ и 10 кунъ и 12 вѣкши, а переди ссаднае, а за голову [3] гривны.

Ш отроцѣ.

9. А се о кн(а)жѣ отроци, или о конюсѣ, или о поварѣ, то 40 гривень; и за тиоунъ огнищнии и за конюшии 80 гр(и)в(е)нѣ. А в сельскомъ куни кн(а)жѣ или в ратаинемъ, то 12 гр(и)внѣ, а за радовича 5 гр(и)в(е)нѣ; такоже и за боѣрескѣ.

Ш ремественицѣ.

10. А се о ремественичи: за ремественика и за ремественичи, то 12 гривнѣ и за кормилицю, хота будеть холопѣ, буди роба.

О покл(е)пе.

11. Аще быть оу кого клепнаѣ вѣра, то же будеть послуховѣ 7, то то идуть виру; пакы ли варагѣ или инѣ кто, то два.

12. А в костехѣ и по мертвецѣ не плати верви, оже имени не вѣдають, ни знаютъ его.

Ш сверженьи.

13. Аже сверже виру, то гривна сметнаѣ кунѣ отроку; а кѣто клепаль, а тому дати другаѣ гривна, а ѿ вири помощного 9 кунѣ.

14. Искавше ли послуха и не налѣзуть, ли) истецъ начнетъ головою клепати, то имѣ правду желѣзо; такоже и во всихѣ, тажахѣ, в тадбѣ, и в поклепѣ; оже не будеть истыца, тогда дати ему желѣзо из неволи до полугривны золота; оже ли мене, то на воду, али въ двою гривну; аще ли мене, то ити ему по свои кунѣ.

Аще кто оударит(ѣ) мецемѣ.

15. Аще кто оударить мечомѣ, вынезѣ его, или рукоѣтью, то 12 гр(и)внѣ продажи за обиду.

16. Оже ли вынезѣ метѣ... батогомѣ, или цашею, любо рогомѣ, любо тылеснию, то 12 гривни; не терпа противу тому оударить мечемѣ, то винѣ ему в томѣ нитѣ.

17. Ачи ли оутнеть руку, а ѿпадетъ рука или оусхнеть, или; нога, или око, или носъ оутнеть, то полувѣрье 20 гр(и)в(е)нѣ, а то: за вѣкъ 10 гривень.

18. Аже оутнеть мечемъ кѣи любо, то 3 гривны продажи, а самому гривна.

Аще прид(еть) кровавъ муж(ь).

19. Аще прид(е)тъ кровавъ мужъ на дворъ или синь, то видока ему не искати, но платити продажа 3 гривны; аще ли не будетъ на немъ знаменьа, то привести ему видокъ, слово противу слову; кто ли будетъ почаль, то тому платити 60 кунѣ.

Аще ли кровавъ придетъ или будетъ самъ почаль, а вылизу послуши, то то ему платежъ, оже и билѣ.

20. Уже ли оударить мечемъ, а не потнетъ на см(е)ртѣ, то 3 гривны продажа), а самому гривна за рану, оже лице; потнетъ или на см(е)ртѣ, а вира.

21. Аже похнеть мужъ мужа любо к собѣ любо ѿ себе, а любо по лицу оударить, а видока два виидуть, али жердью оударить, то 3 гр(и)вни продажи; оже ли будетъ варагъ или колбагъ, то полнаѣ видока вывести и идетъ на роту.

У челади.

22. А челадинъ кроетса, а заключи и на торгу, а за три дни не выведуть его, а познають его на третии д(е)нѣ, то свои челадинъ поимуть, а оному платити 3 гривны продаж(и).

У конѣ.

23. [А]ще кто всадеть на чюжь конь, не прошавъ, то 3 гривны.

24. А се кто погубить конь, или портъ, или оружье, а заповѣсть на торгу, а последи познають въ своемъ городѣ, свое ему личемъ взати, а за обиду взати 3 гр(и)вны.

25. Оже кто познаеть свое, что будетъ погубили, или оукрали оу него что или конь, или портъ, или скотина, то не рчи: „се мое“, но иди на сводъ, гдѣ есть взаль“; сведет ли са, хто будетъ виновать, на того тадба снидетъ; тогда свое возметь, и что будетъ с нимъ погѣбло, тожь ему начнетъ платити.

26. Ачи будетъ коневои тать, а выдати и кн(а)зю на потокъ; паки ли будетъ клѣтнии тать, 3 гривны платити ему.

У сводѣ.

27. Аще будетъ в единомъ городѣ..., истычу до конца того свода; будетъ сводъ по землямъ, то ити ему до третьего свода, а что будетъ личе, то тому третьему платити за личе кунами; а с личемъ ити до конца, а истычу ждати прока; а гдѣ снидетъ на конѣчнаго, то тому все платити и продажа.

У тадбѣ.

28. Пагы ли что будетъ купиль татбно на торгу конь, или портъ, или скотину, то вывести свободна мужа два или мѣтника; аже начнетъ не знати оу кого купивъ, то ити по немъ тимъ видокомъ на роту, а истычу свое личемъ взати; а что с нимъ погибло, а того ему желѣти, а оному желѣти своихъ кунъ, зане не знаеть оу кого купивъ; познает ли на долзѣ оу кого купивъ, то свои ему куны и сему платитъ, что оу него будетъ погибло, а кн(а)зю продажа.

У челадинѣ.

29. Оже кто познаеть челады свою оукраденую, а поиметь и, то оному вести по кунамъ до третьего свода; поѣти же челадинъ въ челадина мѣсто, а оному дати личе, да ть и деть до конечного свода, а то есть не скотъ, нилзѣ рѣчи, не видѣвъ оу кого купиль есмь, но по ѡзыку ити до конца; а гдѣ будетъ конечней тать, опать вороти челадина, а свои поиметь и проторъ тому же платити; а кн(а)зю продажи 12 гривни в челадини или оукрадше или оуведше.

У сводѣ.

29. А изъ своего города в чюжую землю свода нѣтъ; но такоже вывести ему послухы, любо мѣтника, перед кимъ купивше, то истычу личе взати, а прока ему желѣти, что с нимъ погыбло, а оному своихъ кунъ желѣти.

У тадбѣ.

31. Иже кого оубьють оу клѣти или оу которой тадбѣ, то оубьють во пса мѣсто; оже ли додержитъ свѣта, то вести на кн(а)жъ дворъ; оже ли

оубити и, а оуже будеть людье видили свазана, то платити в немь 12 гривни.

32. Оже краде скоть въ хлѣвѣ или клѣтѣ, то оже будеть одинь, то платити ему 3 гривны и 30 кунь; буд(е)т ли ихъ много, то всимъ по 3 гривны и по 30 кунь платити.

Ш тадбѣ.

33. Иже ли крадеть скоть на полѣ, или овчи, или козы, или свиньи, 60 кунь.

34. Оже крадеть гумно или жито въ ѿмѣ, то колико ихъ будеть было, а всимъ по 3 гривны и по 30 кунь; а оу него же погыбло, оже будеть личе, личемь поиметь, а за лѣто возметь по полугривны.

35. Или пакы лица не буд(е)тъ, а будеть былъ кн(а)жь конь, то платити за него 3 гривны, а за иных(ъ) по 2 гривны.

А се оурочи скоту.

36. Иже за кобылу 60 кунь, а за волъ гривна, за корову 40 кунь, а за третьякъ 30 кунь, за лонщину польгр(и)вны, за тела 5 кунь, за борань ногата, за жеребець, оже будеть всѣдано на нь, то гривна кунь, а за жереба 6 ногать; за коровье молоко 6 ногать; то ти оуроци смердамъ, оже плататъ кн(а)жю продаж(у).

Ш холопѣ.

37. Иже будеть холопи татье, или кн(а)жи, или боаерскийи, любо черньци, ихъ же кн(а)зь продажею не казнить, зане суть несвободны, то двоицю платити истыцю за обиду.

Ш кунах(ъ).

38. Иже кто взищеть кунь на друзи, а онъ са начнетъ заперати, тоже нань послуховъ выведуть, то ти поидуть на роту, а онъ возметь свои куны, занеже не даль ему за много лѣт(ъ), то платити ему за обиду 3 гривны.

39. Аже купѣць кто в куплю дасть куны или в гостьбу, то купцю предъ послухи кунь не имати, послухы ему не надоби, но ити ему самому ротѣ, оже са начнетъ заперат(и).

У поклажаі .

40. Иже кто поклажаи кладеть оу кого любо, то ту послуха нѣтуть, оу кого тои лежить товаръ; оже начнетъ того клепати болшимъ, тому ити ротѣ, оу кого лежало, како толко еси положилъ оу мене, занеже еси бологодѣаель ему, хоронилъ.

У разѣ .

41. Аже кто дасть куны в рѣзы или жито в присопъ, то послухы ему ставити; како са будетъ радил(ъ), тако ему имать.

О мѣсачньнем(ъ).

42. А мѣсачньнии рѣзы, оже за мало, то имати ему.

А заидут ли са куны до того же года, то дадать ему кунъ треть, а мѣсачньнии рѣзъ поринути; послуховъ не будетъ, а будетъ кунъ 3 гривнѣ, то ити ему про свои куны ротѣ; будет ли боле кунъ, то речи ему тако: „промиловалса еси, оже еси не поставилъ послуховъ“.

ОУСТАВ(Ъ) ВОЛОД(И)М(І)РА КН(А)ЗА.

43. [А] се оуставилъ Володимиръ Всеволодичъ, по С(вя)тополчѣ созвавъ дружину свою на Беростовѣмъ: Ратибора, Киевского тисачкого, Станислава Переаеславьского тысачкого, Монислава, Иванка Чюдиница,

Олгова мужа, оуставили до третьаго рѣза, оже емлетъ въ треть куны; аже кто возметь два рѣза, тому взяти исто; паки ли возметь 3 рѣзы, то иста ему не взати.

44. [А]же кто емлетъ по 10 кунъ ѿ лѣта, того не ѿметати.

О купцѣ.

45. Аще которои купецъ, шедъ гдѣ любо с чюжими кунамы истопитса, любо рать возметь, любо огонь, то не насилити ему, ни продати его; но како любо начнетъ мочи платити ѿ лѣта, такоже платитъ, понеже пагуба ѿ

б(ог)а естъ, а не виновать естъ; оже ли пропѣтса, а въ безумьи чюжь товаръ испроторить, то како любо тѣмъ, чьи куны, ждуть ли ему, своѣ имъ вола, продати ли, своѣ имъ вола.

У долзѣ.

46. Аже кто многимъ долженъ будетъ, а пришедъ гость) из иного города, иза чюжеземець, а не вѣдаѣ запустить товаръ за нь, а опать начнетъ не дати гостю кунъ, а первии долъжници начнутъ ему не дати запинаяче куны, то вести на торгъ, продати же и и дати первое гостинны куны, а домашнимъ, что са останеть кунъ, тѣм са подѣлатъ; паки будутъ кн(а)жи куны, то кн(а)жи куны первое взати, а прокъ в дѣль; аще кто много рѣза ималь, тому не имати.

47. Аже закупъ бижить ѿ господы, то обель; идет ли искать кунъ, а æвлено ходити, или ко кн(а)зю, или к судьямъ бѣжить обиды дѣла своего гос(поди)на, про то не работитъ его, нь дати ему правду.

У закупѣ.

48. Ажъ оу г(о)с(поди)на родныи закупъ, а погубить воискои конь, то не платити ему; еже даль ему г(осподи)нъ плугъ и борону,

ѿ него же копу емлетъ, то то погубивше юму платити; аще ли г(о)с(поди)нъ его ѿшлетъ на ино орудье, а погинеть без него, того ему не платити.

49. Аще изъ забоѣ выведуть, закупу того не платити; но оже погуби на полѣ и въ дворъ не въвезеть и не затворить, или орудья своѣ дѣѣ, а то погубить, то ему платити.

50. Аже г(о)с(подин)ъ приобидитъ закупа, а въведеть копу его или отарицю, то то ему все воротити, а за обиду платити ему 60 кунъ; пакы ли приметъ на немъ кунъ, то опать воротити ему куны, что будетъ приаль, а за обиду платити ему 3 гривн(ы) продажи; прости ли закупа г(о)с(поди)нъ обель, то наемиту свобода всѣх(ъ) кунах(ъ), а г(о)с(поди)ну платити за обиду 12 грив(ень) продажи; аже господинъ закупа бьеть про дѣло, то без вины естъ; бьет ли без ума, пѣень, а вины не будетъ, то аекоже въ свободнемъ продажа, тако и в закупѣ.

51. Аже холопъ обьлнии выведеть конь ции любо платити зань 2 грив(ны).

У законѣ.

52. Аще закупъ выведе что, то г(о)с(поди)ну в томъ не платити, но оже гдѣ налѣзуть, то переди заплатитъ г(о)с(поди)нъ его конь или что будетъ взаль, а ему холопъ обелныи; пакы ли г(о)с(поди)нъ не хотѣти начнетъ платити за него, а продасть и, ѿдасть же преди или за конь, или за воль, или за товаръ, чо буде цюжего взаль, а прокъ ему взати собѣ.

Ш холопѣ .

53. Иже холопъ оударитъ свободна мужа, а вбѣжитъ в хоромы, а г(о)с(поди)нъ его не выдасть, то платити за нь г(о)с(поди)ну 12 грив(ень), и затѣмъ, аци гдѣ налѣзеть оудареныйи своего истьца, кто оударилъ, то Аѳрославъ былъ усѣтавилъ оубити, но с(ы)н(о)ви по о(т)ци оуставиша на куны, любо бити розвазавше, любо взати грив(ну) за соромъ.

О послушьствѣ.

54. На послушьство холопа не кладывають; сложити на боярьска тиюна, на дворьскаго, а на иных(ъ) не складывати; а з малѣ тажѣ по нужи сложити на закупа.

55. А кто порветъ бороду, а выиметь знаменье, а вылизуть послуси, то 12 гривни продажи, а без людии в поклепѣ, то нѣт(ъ) продажѣ.

Ш зубѣ.

56. Иже выбьютъ зубы, а кровь видать во рти оу него, а людье вылѣзуть, то 12 грив(ень) продажѣ, а за зубъ гривна.

57. Аже кто оукрадетъ бобръ, то 12 гриз(ень).

58. Аже будетъ росѣчена земля или знаменье, им же ловлено, или сѣть, то по верви искати въ собѣ тата, любо платити продажу.

Ш борти.

59. Аще знаменуеть борть, то 12 грив(ень).

60. Аще межю перетнетъ бортную, или ролеиную розореть, или дворную тыномъ перегородитъ межю, то 12 грив(ень) продажи.

61. Аже дубъ потнетъ знаменьныи или межныи, то 12 грив(ень) продажи.

62. А се наклади 12 грив(ень): отроку 2 грив(ны) и 20 кунъ, а самому ѣхати съ отрокомъ на двою коню; судити же на ротъ овесъ, а масо дати овень любо полоть; инѣмъ кормомъ, что имать черво возметъ; писцю 10 кунъ, перекладного 10 кунъ, за мѣхъ 2 ногати.

У борти.

63. Аще борть потнетъ, то 3 грив(ны) продаж(и); за дерево полгрив(ны).

64. Аще пчелы не лажены, — 10 кунъ; будет ли олѣкъ, 5 кунъ; аще пчелы выдреть, 3 грив(ны) продаж(и).

65. Не будет ли тать, то по следу женуть; аже будетъ слѣдъ к селу ли к вару, а не ѿсоцать ѿ себе слѣду, ни идуць на слѣдъ или ѿбьютс(а), то тѣмъ платити тадбу и прода; слѣдъ гнати с чюжими людми и с послухы; аже погубать слѣдъ на гостиницѣ на велицѣ, жела не будетъ, или на пущи, гдѣ не будетъ ни села, ню людии, то не платити тадбы, ни продажи.

У смердѣ.

66. Аже смердъ мучить смерда безъ кн(а)жа слова, то 3 грив(ны) продаж(и), а за муку грив(на).

67. Аже огнищанина мучити, то 12 грив(ень) продажи, а за муку грив(на).

68. Аже лодью оукрадутъ, — 60 кунъ продаж(и), а лодью личомъ воротити; не будетъ лица, то зорьскую лодью 3 гривны, а за боиную 2 гривни, за челонъ 8 ногать, а за стругъ грив(на).

У перевѣсѣхъ.

69. Аще кто посѣчетъ верею перевѣсную 3 грив(ны) продаж(и), а г(о)с(поди)ну гривна за верею.

70. Аще кто оукрадетъ чии песь, или ѿстребъ, или соколь — 3 грив(ны) продаж(и), а г(о)с(поди)ну гривна; за голубъ 9 кунъ, за кура 9 кунъ, за оутовъ 30 кунъ, за гусь 30 кун(ъ), за лебедь 30 кунъ.

71. А в сѣнѣ и въ дровехъ 9 кунъ, а г(о)с(поди)ну колько будетъ возъ крадено, имати ему по 2 ногат(ы) за возъ.

У гумнѣ.

72. Аще зажьжеть гумно, то на потъ и на грабежь домъ его, переже пагубу исплативше, а въ процѣ кн(а)зю поточити и; такоже кто и дворъ зажьжеть.

73. Кто пакощами конь зарѣжетъ или скотину, за то 12 грив(ень), а за пагубу г(о)с(поди)ну оурокъ платити.

74. А ты тажи вси судать с послухы свободными; будет ли послухъ холопъ, то холопу на правду не вылазити, но оже хоцетъ истецъ или именити, а рка тако: „по сего рѣци юмлю та, но аезъ юмлю та, а не холопъ“, емлетъ и на желѣзо; аже обинить и, то емлетъ и на нем(ъ).

Ш конѣ.

75. А кто конь купитъ княжь, боаринъ, или купечъ или сирота, а будетъ в конѣ червь или проѣсть, а то поидеть к осподарю, оу кого будетъ купиль, а тому свое серебро взати опять взадъ.

Ш желѣ.

76. А свое не обинити ли его, а платити ему грив(на) за муку, зане холопы рѣчи аель і; а желѣзного платити 40 кунъ, а мечнику 5 кунъ, а польгрив(ны) дѣчному, — то ти желѣзныи оурокъ; кто се в чемъ емлетъ на желѣзо по свободныхъ людии рѣци, любо ли запона в немъ будетъ, любо прохоженъе ночное, или кимъ любо образомъ, аже не ожжетса, то про мукы не платити ему, но одно желѣзное, кто будетъ аель.

Ш женѣ.

77. Аще кто оубьетъ жену, то тѣм же судомъ судити, аекоже мужа; ажь буде виновата, то польвиры 20 гривень.

78. А в холопѣ и в робѣ нѣтуть виры; но оже буде без вины оубьены, то за холопъ оурокъ платити, или за робу, а кн(а)зю 12 грив(ень) продаж(и).

Ш смердахъ.

79. Аще смердъ оумретъ безажю, то кн(а)зю задница; аще будутъ доцери оу него дома, то даети часть на нѣ; аже будутъ за мужемъ, то не даети имъ части.

Ш безадници .

80. Аще в боаерстѣ и дружини, то за кн(а)за задница не иидеть, но оже не будетъ с(ы)н(о)въ, ино доцери возмутъ.

81. Аже кто оумираѣ раздилить домъ свои дѣтемъ, на томъ стоѣти; паки без раду оумреть, то всимъ дѣтемъ и самой часть дати д(у)ши.

82. Аже жена садеть по мужи, то дати на ню часть; аже что мужь възложить, тому жю естъ г(о)с(по)жа, а задница еи не надоби мужна... обаче м(а)т(е)рь свою възмутъ.

83. Аже будеть сестра в дому, то тои задница не имать, но ѿдадать ю за мужь по силѣ брат(ь)ѣ.

Оуроци городнии.

84. А се оуроци городнику: закладаючи городню, — куна взати, а кончавши — ногата; а за коръмъ, и за вологу, и за масо, и за рыбы 7 куні на нед(ѣ)лю, 7 хлѣбовъ, 7 оубороковъ пшона, 7 лукон(ъ) овса на 4 кони; имати же ему доколѣ срубать; а солоду одиною дадать 10 луконъ.

А мостнии оулицы.

85. Помостивше мость, взати ѿдѣлив(ъ) ѿ 10 локоть по ногати; аже почини моста ветхого, колко городень починить, то взати ему по куни ѿ городнѣ; а мостнику ѣхати самоу другу с отрокомъ на двою коню, а овса 4 лука на нед(ѣ)лю, а ѣсти чыт(о) мога.

О бѣзадницѣ.

86. Аже будуть робьи дѣти оу мужа, то задницѣ не имати им(ъ), но свобода имъ с матерью.

87. Аже будуть в дому дѣти мали, а не почнуть сами собою печаловати, а мати ихъ поиде за мужь, то кто имъ ближе будеть, тому дати на руцѣ и с добыткомъ и з домоу донелѣ же возмогутъ; а товаръ дати пред(ъ) людми, а что срѣзить товаромъ тѣмъ, пригостить, тому собѣ, а истыи товаръ воротить им(ъ), а прикупъ собѣ, зане кормил(ъ) и печаловалси; аже ѿ челади плодъ или ѿ скота, то то все поимати

лицемъ; что ли будеть ростераль, то то ему все платити дѣтемъ тѣм(ъ).

88 А чюжеи ѿчимъ приємьлетъ с задницею дѣти, то такоже естъ имъ радъ.

89. А дворъ без дѣла отнь всакому меншому с(ы)н(о)ви.

У женѣ.

90. Аже жена вретса по мужи сѣдти, а ростраеть добытокъ поидеть за мужь, и то платити ей все дѣтемъ; не хотѣти ли начнуть дѣти ѳи ни на дворѣ, а она начнетъ всако хотѣти сидѣти, то творити всака вола, а дѣтемъ не дати волѣ; но что ѳи даль мужь, с тѣмъ же ей сѣдти, или свою часть вземше, сѣдти же.

91. А матерна часть дѣтемъ не надобѣ; кому мати дастъ, тому взати; даст ли всимъ, да вси роздѣлатъ; безъ ѳзыка ли оумреть, то оу кого будетъ на дворѣ была и кто ю кормилъ, то тому взати.

92. Аже будутъ двою мужю дѣти, а единой м(а)т(е)ри, то онѣмъ своего о(т)ца задница, а онѣмъ своего; будет ли потераль своего иночима что, онѣхъ о(т)ча, а оумр(е)ть, то возворотитъ брату, на неже людье, вылѣзуть, что будетъ ѳего о(те)ць истераль иноцимла, а что ему своего о(т)ца, то деръжить.

93. А м(а)т(е)рь, которой будетъ ѳи с(ы)нѣ добръ, первого ли мужа, другого ли, тому же дастъ свое; ачи ѳи вси с(ы)н(о)ви будутъ лиси и доцери можетъ дати, кто ю кормить.

У задницѣ.

94. Аже брат(ъ)ѳе растажутци передо кн(а)земъ о задницѣ, то которьи, дитинскьи и деть ихъ дѣлить, то тому взати гривна кун(ъ).

Оуроци суднии .

95. А се оуроци суднии: ѿ головы 30 кун(ъ), а ѿ бѣдрѣной землѣ 30 кун(ъ) безъ треи кун(ъ); такоже ѿ ролейной землѣ, а ѿ свободны 9 кун(ъ).

У холопѣствѣ.

96. А холопѣство обелное троѳе: оже кто купи хота до полугрив(ны), а послухъ поставитъ, а ногату дастъ предъ самым(ъ) холопомъ и послухъ поставитъ, а не безъ него; а второѳе холопѣство поиметь робу безъ раду; и поимет ли са с радомъ, то како са будетъ радиль, на том же стоить.

97. А вѣда цѣну не холопѣ, ни по хлѣбѣ работать, ни придатцѣ; но оже не ходить года, то вороцати емлетъ, ѿходит ли, то не виновать есть.

98. Аже холопѣ бижить, а заповѣсть и г(о)с(поди)нѣ, аже слышавъ кто, или знаѳе и вѣдаѳе, оже дастъ ему хлѣба или оукажетъ ѳем(у) путь, то платити ему за холопѣ 5 грив(енъ) кун(ъ), а за робу 6 грив(енъ) кун(ъ).

99. Аже кто переиметь чужь холопѣ и дастъ вѣсть г(осподи)ну его, то имати ѳему переемъ грив(ну); не оублюде ли, то платити ему 4 гривн(ы)

кун(ъ) за холопъ, а патаѣ переѣмнаѣ ему; а будетъ роба 5, а 6ѣ переѣмнаѣ ему ѡходить.

100. Аже кто самъ своего холопа досоцитса въ чьемъ любо городѣ, а будетъ посадникъ не вѣдалъ его, повѣдавше ему понати иже оу него отрокъ и шедъше оувазати и и дати ему вазебную грив(ну), а не платитъ в то никто же, тѣм же и переѣма нѣтуть.

101. Аже кто не вѣдаѣ чюжь холопъ оусращеть или повѣсти дѣеть любо держитъ оу себе, а идетъ ѡ него, то ити ему ротѣ, æко не вѣдалъ есмь, оже ѣсть холопъ, а платъ же в томъ нѣтуть.

102. Аже гдѣ холопъ куны вылжетъ, а онъ буде не вѣдаѣ даль а куны ему лиху быти.

103. Аже кто пуститъ холопа в торгъ, а одоржаѣтъ, то воскупати, г(о)с(поди)ну, а лишитиса его нѣлзи.

104. Аже кто купитъ чюжь холопъ не вѣдаѣ, то первому г(о)с(поди)ну холопъ поѣти, а оному куны имати, ротѣ ходивше, æко не вѣдаѣ ѣсми купиль; вѣдаѣ ли будетъ купиль, то кунъ ѣму лиху быти.

105. Аже холопъ бѣгаѣ будетъ добудеть товара, то г(о)с(поди)ну долгъ, г(о)с(поди)ну же и товаръ, а не лишити(са) ѣго.

106. Аже хто бѣжа поиметь сусѣдне что или товаръ, то г(о)с(поди)ну платити, оу кого что будетъ кралъ.

107. Аже холопъ крадетъ кого любо, то г(о)с(поди)ну въкупати любо выдати с кимъ будетъ кралъ, а женѣ не надобѣ ни дѣтемъ, но шже будетъ с нимъ кралѣ и хоронили, и то всих(ъ) выдати; пакы ли въкупаѣтъ г(о)с(поди)нъ; аже будетъ свободнии с нимъ крали или хоронили, то кн(а)зю въ продаж.

Ш копыи.

108. Иже изломитъ копыиѣ другу, любо щитъ, любо портъ, да аще оу себе начнетъ держати, то приѣти скота оу него, иже что ѣсть изломилъ; аще ли начнетъ скотомъ примѣтати, ѣму заплати предъ чадию или начнетъ вѣдати колко будетъ даль на немъ.